

資治通鑑綱目卷之二十九

明 史官陳仁錫評閱

起丁丑齊明帝建武四年魏孝文帝太和二十一年盡甲申梁武帝天監三年魏宣武帝

正始

考異

提要分注齊明帝作齊高宗魏孝文帝作魏高祖梁武帝作梁高祖

魏宣武帝作魏世宗

凡八年

丁丑

齊

建武四年

魏

春正月魏立子恪為太子

考

太和二十一年

異

提要作魏主立其子恪

○齊主殺其尚書令王晏以徐

孝嗣爲尚書令

晏固可誅
然明帝誅
之不以其
罪

初晏爲世祖所寵任、及齊主謀廢鬱林王、晏
卽欣然推奉、及齊主卽位、晏自謂佐命新朝
事多專決、齊主惡之、始安王遙光勸齊主誅
晏、齊主曰、晏於我有功、且未有罪、遙光曰、晏
尚不能爲武帝、安能爲陛下乎、齊主默然、晏
意望開府、數呼相工自視、云當大貴、又好與
賓客屏人語、齊主聞之、疑晏欲反、遂召晏於
華林省誅之、并北中郎司馬蕭毅、毅奢豪、好
弓馬、故齊主因事陷之、鬱林王之將廢也、晏
從弟思遠謂晏曰、兄荷世祖厚恩、今一旦贊
人如此事、彼以權計相須、未知將來何以自
立、若及此引決、猶可保全門戶、不失後名、晏

人未有不
迷于當局
者况反覆
輕妄如王
晏宜其以
思遠之言
為逆耳也

曰方噉粥未暇此事及拜驃騎謂子弟曰隆
昌之末阿戎勸吾自裁若從其語豈有今日
思遠遠應曰如阿戎所見今猶未晚也思遠
知齊主意已疑異乘間謂曰時事稍異兄亦
覺不凡人多拙於自謀而巧於謀人晏不應
思遠退晏方歎曰世乃有勸人死者旬日而
敗晏外弟阮孝緒亦知晏必敗逃匿不見嘗
食醬美問知得於晏家吐而覆之及晏敗人
為之懼孝緒曰親而不黨何懼之有卒免於罪

集覽

引決即自裁之
義也詳見宋明

帝泰始七年阿
戎思遠小字

二月魏主如平城穆泰陸叡伏誅新興公丕以

罪免死爲民

魏主至平城、引見穆泰、陸叡之黨、問之、無一人稱枉者、時人皆服任城王澄之明、泰伏誅、叡死於獄、宥其妻子、徙遼西、初、魏主遷都、變易舊俗、新興公丕不樂、及變衣冠、而丕獨胡服於其間、太子恂將遷洛陽、丕子隆與穆泰等密謀留恂、因舉兵斷關、規據陜北、丕在并州、隆等以其謀告之、丕口雖折難、心頗然之、至是有司奏隆超皆泰黨、罪當族、丕應從坐、魏主以丕嘗受詔、許以不死、聽免死爲民、殺隆超、初、丕及陸叡與僕射李冲領軍于烈俱受不死之詔、叡旣誅、魏主賜冲烈詔曰、叡之反逆、旣異餘犯、雖欲矜恕、如何可得、然猶聽

自死免其孥戮，不連坐應死，特恕爲民。朕本期始終，而彼自棄絕，故此別示，想無致恠。謀反之外，皎如白日耳。又以北方奠長及侍子畏暑，聽秋朝洛陽，春還部落，時人謂之鴈臣。司馬公曰：「夫爵祿廢置，殺生予奪，人君所以馭臣之大柄也。先王之制，雖有親故賢能功貴勤賁，苟有其罪，不直赦也，必議於槐棘之下，可赦則赦，可宥則宥，可刑則刑，可殺則殺，輕重視情，寬猛隨時，故君得以施恩而不失其威，臣得以免罪而不敢自恃。及魏不然，勳貴之臣，往往豫許之以不死，使彼驕而觸罪，又從而殺之，是以不信之令，誘之使陷於死地，刑政之失，**集覽**規據陁北，規猶圖謀也。據無此爲大焉。」拒守也。陁北謂陁山之北。

其子尚不能察則失刑多矣

也。陞注見晉懷帝永嘉四年爵祿廢置殺生予奪此周禮八柄也。注見漢順帝陽嘉三年刑德八柄議於槐棘之下。注見漢後主建興元年。

三月魏主殺其故太子恂

恂既廢頗自悔過中尉李彪表恂復與左右謀逆魏主賜恂死

書法

前書有罪廢為庶人矣此其書故太子何甚魏主也恂自被廢頗知悔過

中尉李彪表其謀逆遽賜之死則殺之為過矣故斥書主是故廢不以罪誅以其罪則趙太子章前書廢太子而後書誅廢以其罪殺不以罪則魏太子恂前書有罪廢

而後書殺綱目之權衡公矣。終綱目書殺太子三，趙太子遂，魏太子恂，蜀太子元膺。

魏宋王劉昶卒○魏主還洛陽

魏主至龍門，遣使祀夏禹，至蒲阪，祀虞舜，至長安，遣使祀周文王、武王于豐鎬，遂還洛陽。

集覽

龍門山名，注見漢成帝綏和二年。伊闕蒲阪，注見周赧王十二年。豐鎬，注見漢

武帝建元三年。

秋七月魏立昭儀馮氏爲后

后欲母養太子恪。

恪母高氏暴卒。

八月魏主自將伐齊

以輕于任
使為親德

魏發河北五州兵三十萬以伐齊假彭城王
勰中軍大將軍辭曰昔陳思求而不允愚臣
不請而得何否泰之相遠也魏主笑曰二曹
以才名相忌吾與汝以道德相親齊主聞有
魏師遣軍主胡松助成
集覽 陳思求而不允
魏太祖弟陳思

緒陽鮑舉助成舞陰

集覽

陳思求而不允
魏太祖弟陳思

王上疏求自試曰臣雖未能擒權
馘亮庶將虜其雄率魏主竟不允

正誤

陳思
今按

陳思王曹植乃魏太祖武帝
操之子世祖文帝丕之弟也

質實

一統志云
舞陰漢之

縣名屬南陽郡東魏改臨舞縣及置期城郡
隋廢郡以縣屬顯州唐始改泌陽縣乾元初

屬唐州五代梁初嘗以泌州徙治此宋金皆屬唐州元初因之後省本朝復置改屬南

陽府



書伐何惡鸞也

氏帥楊靈珍叛魏

魏以氏帥楊靈珍爲南梁州刺史靈珍舉州降齊襲魏武興王楊集始集始窘急亦降于齊魏遣李崇討之

九月魏主攻齊南陽不克

通鑑綱目 卷三十一
初魏荊州刺史薛眞度攻齊南陽太守房伯玉擊敗之魏主怒以南陽小郡志必滅之至是引兵攻之衆號百萬襲宛克之伯玉嬰內城拒守魏主遣中書舍人孫延景數之曰卿事武帝蒙殊常之寵不能建忠致命而盡節於其讎罪一也頃年薛眞度來卿傷我偏師罪二也今鸞輅親臨不面縛麾下罪三也宛城東南有橋魏主過之伯玉使勇士數人衣班衣戴虎頭帽伏於竇下突出擊之魏主人馬俱驚召善射者射殺之乃得免

集覽

襲宛春秋釋例輕曰襲注襲掩其

不備也宛注見周赧王十七年

魏伐氏克武興楊靈珍奔齊

質實

武興郡名注見宋文帝元

能

嘉十
九年

李崇槎山分道出氏不意表裏襲之羣氏散歸靈珍戰敗遂克武興靈珍奔還漢中齊以爲武都王魏主聞之喜曰使朕無西顧之憂者李崇也以崇爲梁州刺史安集其地

冬十一月魏主圍新野遂敗齊兵于沔北

魏主至新野齊太守劉思忌拒守攻之不克築長圍以守之韓顯宗屯赭陽胡松引蠻兵攻其營顯宗力戰破之斬其裨將顯宗至新野魏主謂曰卿破賊斬將殊益軍勢朕方攻堅城何爲不作露布對曰頃聞王肅獲賊二三人驢馬數匹皆爲露布臣常哂之近雖得

有功不伐
在五季爲

摧。颯。虜。擒。斬。不。多。尤。而。效。之。其。罪。彌。大。魏。主
益。賢。之。齊。主。詔。徐。州。刺。史。裴。叔。業。救。雍。州。叔
業。啟。稱。北。人。不。樂。遠。行。惟。樂。鈔。掠。若。侵。虜。境
則。司。雍。之。寇。自。然。分。矣。從。之。叔。業。引。兵。攻。虹
城。獲。男。女。四。千。餘。人。齊。主。復。遣。中。庶。子。蕭。衍
尚。書。崔。慧。景。救。雍。州。齊。將。軍。韓。秀。方。等。十。五
將。皆。降。於。魏。魏
敗。齊。兵。於。沔。北。

發明

魏主前此伐齊數齊主之罪師出固
曰有名既而返旆北旋不遂黷武亦
可嘉矣今又無故稱兵則非前日之比况
時方興起文治而乃侵伐不已豈其戎虜
之性固以殺伐爲尚乎不然何爲戎車屢
駕而不知止也綱目於自將伐齊攻南陽

圍新野。皆書魏主于上。蓋譏之爾。烏有以帝王自處。而爲侵城略地之舉哉。

十二月齊侵魏太倉口魏豫州刺史王肅敗之

記淺塹塹以設伏制勝着數俱細密

齊將軍魯康祚侵魏太倉口。魏豫州刺史王肅使長史傅永將甲士三千擊之。齊魏夾淮而軍。相去十餘里。永曰。南人好夜斫營。必於淮中置火。以記淺處。乃夜分兵爲二部。伏於營外。又以瓢貯火。密使人於深處置之。戒曰。見火起。則亦然之。是夜康祚等果引兵斫永營。伏兵夾擊之。康祚等走。趣淮水。火旣競起。不知所從。溺死及斬首數千級。裴叔業侵魏。楚王戍肅。復令永擊之。永將心腹一人馳詣楚王。戍令填外塹。夜伏戰。士千人於城外。曉

而叔業等至城東、部分將置長圍、永伏兵擊其後軍破之。叔業自將精兵數千救之。永登門樓望叔業南行數里、卽開門擊其營、大破之。叔業進退失據、遂走。左右欲追之、永曰：「吾弱卒不滿三千、彼精甲猶盛、非力屈而敗、自墮吾計中耳。」旣不測我之虛實、足使喪膽、俘此足矣。魏主遣謁者就拜永汝南太守。永有勇力、好學、能文。魏主常歎曰：「上馬能擊賊、下馬作露板、惟傳脩期耳。」

質實

淮水注見梁武帝天監十五年

書法

魏加齊書伐齊加魏則曷爲書侵惡鸞也

齊以劉季連爲益州刺史

曲江公遙欣好武事，齊主以諸子尚幼，內仗遙欣，外倚后弟劉暄，內弟江祐，故以始安王遙光爲揚州，遙欣爲荊州，而遙欣在江陵，多招材勇，厚自封殖，齊主惡之，南郡太守劉季連密表遙欣有異迹，齊主乃以季連爲益州刺史，使據遙欣上流以制之。

高昌弑其君馬儒

是歲高昌王馬儒遣使入貢于魏，求內徙，魏主遣韓安保迎之，割伊吾之地五百里以居儒。高昌人戀土，不願東遷，殺儒，立麴嘉爲王，復臣於柔然。

質實

一統志云高昌西域

國名，本漢時車師前後王地，前王治交河城，卽唐交河縣，去長安八千一百里，後王治務

塗谷卽唐蒲類縣去長安八千九百里漢元
帝時置戍已校尉屯田於前王庭以其地勢
高敞遂名高昌壘壘有八城前涼張駿於交
河城置高昌郡後魏初有闕伯周者始爲高
昌王其後麴嘉稱王於此自後魏至隋皆來
貢獻唐貞觀中平高昌以其地置西州及都
督府開元中改金山都督府天寶初改州爲
交河郡領高昌交河柳中蒲昌天山五縣初
西突厥據後王地與高昌相影響及高昌平
懼而來降以其地置庭州領金滿蒲類輪臺
三縣長安初置北庭都護府後俱陷於吐蕃
其地有回鶻雜居故亦謂之回鶻宋初西州
回鶻遣使來貢元時號畏兀兒地太祖平西
域置達魯花赤監治之本朝其地名曰火